



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Qui actus præsertim eo exercitio continenantur.

[urn:nbn:de:hbz:466:1-47123](#)

catoris assumere, & velut divinæ mortis reum, cum intimo
pudore ac confusione, Deo vindici cœlōq; se sistere; præ-
sertim si nondum ea nomina prorsus expedisse, aut de ijs di-
vinæ justitiae plenè satisfecisse, videatur.

Vit. c. 3.

Sic enim B. Jacoponus, tametsi ad Deum ex toto con-
versus, secum tamen reputans, Deum propter hominum
peccata subiisse mortem doloris ignominiaq; plenissimam,
tanto in semetipsum odio inflammabatur, ut diceret, non
dubitaturum se, tormentum omne & æruminam quamlibet
quantumvis grandem & exquisitam, ipsaq; adeò inferorum
supplicia, si fieri posset, in semetipsum accersere, & nullis
causa suis criminibus, quæ Domino Iesu tam crudelis se-
cis causa fuissent, vindicta pœnave sumeretur.

Vit. c. 20. Eodemq; propemodum sensu fuisse videtur B. Catharina Genuenis: quæ cùm dulcem Amorem suum à se aliquando
offensum meminisset, ita scilicet vulnerabatur animo,
ur nullam sibi ea in causa adhiberi velle indulgentiam au-
gratiam, sed summo ac rigido jure secum agi depositeret;
ipsamq; adeò divinæ offensæ memoriam, omni supplicio
cerbiorem experiretur.

At nunc distinctè magis particulatimq; videndum est
qui affectus propter huic exercitio convenient; quod pro-
pius ad usum accommodetur, atque ad opus deducatur si-
cilius, proposita hoc capite commentatio.

§. 2.

Qui actus præsentim eo exercitio continentur.

Porro in his quæ dixi, triplex præcipue continetur affec-
tus, & tres quasi gradus præsentis exercitij.

Primus est internus ille pudor animiq; confusio, quo
propter admissas culpas, earumq; gratia Dei Filio necem
illata, Dei Sanctorumve oculos erubescimus, & vel faciem
ipsam

ipsum ad celum levare, reformidamus. De quo sufficien-
ter actum est paragrapho superiori.

*Alter est intimus quidam horror, aut motus animi,
hac ipsa ex causa semetipsum abhorrescentis; &, quod jam
se ipsum refugiat ac viter, tanquam in abyssum sui nihil se
profundere retrudere atque abdere satagentis: quasi jam suf-
ferre non possit arcanam vocem opprobrantis conscientiae;
& intestinum illum judicem, sive ipsum suum de se ipso ju-
dicum, subterfugere ac declinare molitur.*

Dura quippe & amara auditu (ei praesertim qui adhuc
se Deo inimicum invisumq; meminerit) vox illa scelerum,
divini parcidij vindictam pœnasye è celo expetentium.
Nam veluti quandam, non tam Judæorum, quam nostrorum
criminum vox erat illa adversus Christum, *Crucifige,
crucifige, acclamantium, eoque clamore benignissimi Redem-
ptoris aures & cor acerbè vulnerantium: sic nunc è diverso,
eadem sceleris, in corde autoris sui, de eo vindictam grandi
clamore & supplicia dira exposent;* nisi si hunc clamorem
fortior anima pœnitentis gemitus, & sanctarum lacrymarum
vox potentior retuderit atque represserit.

*Postremus actus est, seruum suimet odium, eadem ex
causa eadēq; contemplatione conceptum. Quo fiat, ut
neque nos ipsos ullam in partem indulgentius habeamus,
ipso quoque usu rerum creatarum nos indignos censentes,
ut quarum autorem ac conditorem peccatis nostris truci-
daverimus. Idq; potius agamus sedulò, ut non aliter nos,
quam ut Christi Iesu interfectores, Deiq; parricidas aspici-
entes, eoque nomine nobismetipsis facti invisi & intolerabili-
les, omnibus nos excruciemus supplicijs, acrēsq; de nobis
repolcamus pœnas, quo vel sic innocentissimo Iesu tam a-
trociter à nobis lælo, parte aliquâ saltē satisfaciamus.
Tunc enim perfetè te odis, ait S. Bonaventura, quando non
solum uia ab hominibus conculcari, sed etiam te ipsum tantum
abbor-*

P. 2. Stim
e. 6.

abhorres, ut vix te ipsum valeas tolerare. Qui etiam alii de hoc sui odio ob Christum peccatis nostris interfectum,

P. 1. Stim. git: Nonne mirabile videtur, me cogitare, te tam nobilissimum & benignissimum Dominum, pro me tam vilissimum manuum, & non statim desicere præ nimia tristitia? Et quomodo si non esset contrarium tua voluntati, me materiali gladio, ne occido præ dolore, qui fui ocoafo tua mortis? Cum patientia ergo magna me debeo sustinere, sicut sustinerem, cum aliqua inimicum meum coram oculis meis video, quem toto corde occidere affectarem, quamvis non audirem aliquâ ratione.

Sed jam hoc pars quædam est proximè sequentis exercitij; in quo plura, de hac Christo satisfaciendi voluntas etiam ex ipso Bonaventura proferemus.

In Monit. M. S. Non est tamen hoc loco prætermittendus, ex B. Bor. giæ monito studiose asceta usurpandus affectus; ut tempore suum perfecto odio oderit, ut peccatorum fontem, quibus amabilem Dei bonitatem offendit; atque eapropter omnem neget delectationem suis sensibus, quod cordi suorum faciat, & tanti mali autorem ulciscatur.

CAPUT XXIX.

Ut itidem in contemplantis animo, ardor excitetur, Christo pro injuria satisfaciendi, cupiditas.

Superiori quoque connexum est hoc exercitium, quod satisfactionis appello, quodq; præcipue actus datus complectitur.